

# ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«--» ----- 2021թ.

N-- -Ա

## ՈՐՈՇՈՒՄ

### ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ

Ղեկավարվելով Երևան քաղաքի ավագանու 2020 թվականի դեկտեմբերի 23-ի հ.315-Ն որոշման հավելվածի 3-րդ կետով՝

**Երևան քաղաքի ավագանին որոշում է.**

1. Թույլատրել Երևանի քաղաքապետին՝ Երևան համայնքի սեփականություն հանդիսացող Նալբանդյան փողոցի հ.50 շենքի հ.հ.180 և 181 հասցեներում գտնվող (անշարժ գույքի սեփականության /օգտագործման/ իրավունքի գրանցման 15.08.2002թ. հ.հ.504306 և 504310 վկայականներ) 464.0քմ և 257.0քմ մակերեսներով տարածքները անհատույց օգտագործման իրավունքով մինչև 2026 թվականի մարտի 30-ը ժամկետով տրամադրել ՀՀ կրթության, գիտության, մշակույթի և սպորտի հարցերի նախարարության «Վլադիմիր Ենգիբարյանի անվան բնօրգամարտի օլիմպիական մանկապատանեկան մարզադպրոց» ՊՈԱԿ-ին:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

## ՏԵՂԵԿԱՆՔ-ՀԻՄՆԱՎՈՐՈՒՄ

### «ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծով նախատեսվում է Երևան համայնքի սեփականություն հանդիսացող Նալբանդյան փողոցի հ.50 շենքի հ.հ.180 և 181 հասցեներում գտնվող 464.0քմ և 257.0քմ մակերեսներով տարածքները տրամադրել ՀՀ կրթության, գիտության, մշակույթի և սպորտի հարցերի նախարարության «Վլադիմիր Ենգիբարյանի անվան բոնգքամարտի օլիմպիական մանկապատանեկան մարզադպրոց» ՊՈԱԿ-ին անհատույց օգտագործման իրավունքով:

Նալբանդյան փողոցի հ.50 շենքի հ.հ.180 և 181 հասցեներում գտնվող 464.0քմ և 257.0քմ մակերեսներով տարածքները համաձայն անշարժ գույքի սեփականության /օգտագործման/ իրավունքի գրանցման 15.08.2002թ. հ.հ.504306 և 504310 վկայականների տվյալների՝ հանդիսանում են Երևան համայնքի սեփականությունը:

Կենտրոն համայնքի ավագանու 25.07.2008թ. հ.5/38 որոշման համաձայն՝ քննարկվող տարածքները անհատույց օգտագործման իրավունքով, հինգ տարի ժամկետով տրամադրվել են «Բոնգքամարտի օլիմպիական մանկապատանեկան մարզադպրոց» ՊՈԱԿ-ին: Վերջինիս հետ 23.12.2008թ. կնքվել են տարածքի անհատույց օգտագործման հ.հ.10115 և 10114 պայմանագրերը, որոնցից ծագող իրավունքները ստացել են պետական գրանցում /անշարժ գույքի սեփականության /օգտագործման/ իրավունքի գրանցման 26.12.2008թ. հ.հ.2561477, 2561476 վկայականներ/:

Մարզադպրոցը հիմնադրվել է 1959 թվականին՝ ի պատիվ օլիմպիական խաղերի չեմպիոն Վլադիմիր Ենգիբարյանի և գործում է որպես բոնգքամարտի մասնագիտացված մարզադպրոց, որտեղ մարզվում են 8-18 տարեկան 360-ից ավել մարզիկներ: Մարզադպրոցի սաները միշտ աչքի են ընկել իրենց նվաճումներով օլիմպիական խաղերում, աշխարհի և Եվրոպայի առաջնություններում, Եվրոպական խաղերում, բազմիցս ապացուցելով հայկական բոնգքամարտի բարձր կարգը:

Քննարկվող հասցեում գտնվող տարածքները ՀՀ կրթության, գիտության, մշակույթի և սպորտի հարցերի նախարարության «Վլադիմիր Ենգիբարյանի անվան բոնգքամարտի օլիմպիական մանկապատանեկան մարզադպրոց» ՊՈԱԿ-ին անհատույց օգտագործման իրավունքով տրամադրելու վերաբերյալ Երևան քաղաքի ավագանու «Իմ քայլը» խմբակցությունը 15.01.2021թ., «Լույս» խմբակցությունը 11.01.2021թ., «Բարգավաճ Հայաստան» խմբակցությունը 14.01.2021թ. գրություններով առարկություններ չեն ներկայացրել և այն գնահատել են դրական:

Ելնելով կազմակերպության կողմից մատուցվող ծառայությունների կարևորությունից և անհրաժեշտությունից, ղեկավարվելով 2020 թվականի դեկտեմբերի 23-ի «Երևան քաղաքի սեփականություն համարվող գույքը օգտագործման տրամադրելու և օտարման 2021 թվականի ծրագրի վերաբերյալ» հ.315-Ն որոշմամբ հաստատված հավելվածի 3-րդ կետով՝ նախապատրաստվել է Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագիծ, համաձայն որի առաջարկվում է քննարկվող տարածքները մինչև 2026 թվականի մարտի 30-ը ժամկետով տրամադրել ՀՀ կրթության, գիտության, մշակույթի և սպորտի հարցերի նախարարության «Վլադիմիր Ենգիբարյանի անվան բոնգքամարտի օլիմպիական մանկապատանեկան մարզադպրոց» ՊՈԱԿ-ին:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

## **ՏԵՂԵԿԱՆՔ**

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»  
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ  
ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ  
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն առաջանում:

## **ՏԵՂԵԿԱՆՔ**

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»  
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ  
ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ  
ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման ընդունման առնչությամբ այլ իրավական ակտերի ընդունման անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Հ. ՄԱՐՈՒԹՅԱՆ**